

中國方志叢書·華北地方·第四十五號

據

清·王汝漢等纂  
清·光緒三十四年抄本


影印

山東省

# 禹城縣鄉土志

(全)

成文出版社印行



中華民國五十七年三月臺一版

# 禹城縣鄉土志

定價：新台幣一六〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇一〇五號  
電話：九二二〇一〇號


印刷者：**正大印製廠**

三重市長生街二號之一



版權所有

內政部登記證內版臺業字第一一四七號





# 歷史

## 邑境建置之始

禹城古祝國也自唐天寶元年始改今名舊境寥濶以今制況之僅古時三分之一  
未置本境時代

## 唐虞夏商周

兗州之域 禹貢云濟河為兗州禹兗州也其他散見於水經註地理志者皆為  
兗州之域

高國 邑地也姜姓黃帝後爵無考

曹國 邑地姬姓高陽氏後侯爵路史云以國為姓為曹姓之始

用國 邑地姬姓爵無考

祝國 邑地姬姓黃帝後史記曰武王封黃帝後於祝戴記曰封黃帝後於蒯封  
禹城縣鄉志

堯後於祝或云祝本黃帝後於封釗而又以封堯也

祝柯 春秋時也入於齊為祝柯春秋傳云宣公二十年諸侯盟於祝柯即此地也

高唐 故城寰宇記在禹城縣南五十里春秋襄公十九年齊風沙衛奔高唐  
叛社註云高唐在祝阿縣西北

### 秦

瑗城 路史云禹城西有故轅城寰宇記云瑗在禹城縣南一百里春秋哀公十  
年晉趙鞅伐齊取黎及瑗杜註云轅即瑗濟南郡禹城瑗池也漢地理志云平  
原郡有瑗池後改為東順縣此乃王莽東順亭也

### 漢

祝阿 青州部屬平原縣漢為祝阿置縣為侯國食邑功臣表祝阿侯高邑而又

析其地為阿陽龍頌瑗城至新莽改為安成未久即革

阿陽城 在縣南八里地理志平原郡有阿陽城寰宇記阿陽故城漢縣在廢禹  
城西北五十五里隋開皇時於城側掘土得古墓銘阿陽令李君之墓俗訛為  
丰洛城

阿陽城 漢書高帝封萬訢為阿陽侯城在縣南七里

楊虛城 水經註河水東分濟又注楊虛縣之故城東又注在平城東又東北過  
高唐縣今在平縣有楊虛城舊隸禹

### 東漢

祝阿 東漢青州部屬平原郡復仍舊制為祝阿後漢書封俊為祝阿侯為功臣  
采邑

龍頌 漢書武帝紀都尉韓說從大將軍伐匈奴有功封龍頌侯即邑地漢地理  
禹城鄉土志

二

志平原郡龍鎮縣

祝阿 安王康光武子初封濟南公建武十五年以平原之祝阿安德等六縣益  
濟南十七年進王爵

揚虛 馬武光武時以振威將軍擊銅馬隗囂功封揚虛侯

祝阿 張賢順帝時人以宦者典定策功封祝阿侯

三國

高唐序 魏地理志禹城有禹唐序寰宇記高唐序城在縣南一百里括地志云  
禹城在山莊縣北後魏移於濟北此城是也

三國時地入魏晉屬濟南郡至東者五胡之亂地入趙入燕入秦北元魏地為齊  
州部屬東太原郡繼入齊周青州部屬齊郡

隋

隋青州部仍齊周舊制屬齊郡名祝阿

唐

山莊縣 唐河南道屬濟南郡武德間析祝阿南鄙置山莊縣今長清縣地

丰齊鎮 在祝阿古城西南二里唐武德中置山莊縣天寶元年改豐齊縣移山

莊於漢縣元和十年并山莊豐齊為長清縣

既置本境時代

源陽縣 唐貞觀元年首源陽縣入祝阿城在源陽河側故名天寶元年更名禹  
城

禹息城 邑城南有禹息故城未詳建於何年邑乘亦無考寰宇記祝阿縣南三

十里有廢禹息故城水經註禹以息土填洪水以為名山義本取此

皇城 在縣之西南隅地之得名無考

禹城縣鄉土志

禹王隄 郡國志在博平縣西南滄家坡經往平城斷而復續延入長清舊禹城  
境內

五代 因革無考

宋

禹城 齊州京東東路屬濟南郡

金

禹城 山東東路屬濟南府天會間偽齊劉豫別析禹城之耿濟鎮為齊河縣  
耿濟鎮 東漢耿弇破張步於此齊河而東故名

元

禹城 元山東西道屬曹州

明

禹城 明屬山東省濟南府

國朝

禹城 沿明舊制仍山東省屬濟南府

政績

漢

高 邑漢高帝時人以客從入關為上隊將定魏太原破陞井擊項籍陳豨功封

祝阿侯有政績

萬 訴漢高帝時人封阿陽侯有惠政

韓 說漢武帝時人以都尉從大將軍青征匈奴有功封龍顏侯

東漢

安王康光武帝子初封濟南公建武中益以平原之祝阿等縣進爵為王後坐事  
禹城縣鄉土志

四

削所益祝阿安德等地肅宗時復還其削地

陳後光武時人為安集掾從軍徇河北擊銅馬破張步董憲功封祝阿侯

馬武光武時人為鎮威將軍以擊隗囂功封楊虛侯

張賢順帝時人以定策功封祝阿侯

唐

李銳唐將守祝阿拒史思明有功

元

世襲百戶 王德伸 王居敬 王 揆 張哈喇多 常通 孫都

劉通

明

世襲百戶 劉濟安 劉 溫濟安子 劉謙亨溫子 張思智 柴邦相

劉仲

元 達魯花赤 猶漢語總管也

脫歡察 至元間人

燕帖木兒 大德間人

黑 駝 大德間人

阿顏帖木兒 致和間人

縣尹 與利去害

宋 公 失名 憲宗時為縣尹有惠政始建邑中文廟

劉事義至正二十八年任縣尹時徭役煩與操之吏手貧富易位民害甚巨公核

實氏丁損益得平勸課農桑野無曠土建社倉額外佐吏資遣入學風俗一變

己亥境內產嘉禾一莖九穗表進於朝皆善政所感也祀邑名宦祠

為城縣鄉土志

五

趙 杞南宮人至正十年任縣尹公性勤儉時河決禹城屬去河遠調夫役甚急  
公為民請命上官尤之留公治河事竣歸民焚香迓於路值大兵平徐州海盜  
羽檄旁午民甚懼公均其徭役民不驚擾有德政去思碑祀名宦祠  
興利

明

李 泰湖廣人天順間知縣事適邑中水旱相仍民困於災賑濟蠲賦民賴以生

見通志

梁 驥成化間知縣事均賦徭節用愛民歲荒賑濟區畫甚悉見通志

周 卿河北延津人嘉靖壬辰進士知縣事敷政以寬利無不與邑人頌之曰嘉  
樂以容物含宏以蓄眾容物以大物從而化蓄眾以寬眾從而輯有古循良之

風

堯允和河南汲縣人嘉慶己酉進士知縣事邑中貧戶多逋糧歷年加羨餘逃亡  
愈衆公但征舊額復業者如歸市邑俗尚奢公率之以儉約尤崇正士習培養  
士氣去之日邑人涕泣厲道而送

節世亨直隸粟水舉人知縣事均徭役賑災荒懲奸吏殫竭心力擢刺清源民如  
失怙恃為之謠曰鳳苞翩翩笑貽民樂泉流涓涓笑瘥民瘼翩翩于飛之彼南  
岡滔滔不回我心悲傷人云清源之水蕩兮子惠之政不與我同量兮五馬之  
載彭彭兮子惠之政不與我同幘幘兮

宋 儒裕川人嘉靖壬子進士知縣事減差徭民困以蘇招集流亡資以牛種民  
人歸業者以萬計調崞縣邑人房高等請留不報祀名宦祠

蕭文璧萬曆二十二年知縣事政先平恕持大体凡有益於民者無不殫盡心力  
於文教尤加意振興後遷清寧守者去思碑祀名宦祠

呂 德常州舉人知縣事與學校建義倉修文廟啟聖祠名宦祠鄉賢祠講堂號  
舍銳於有為士民感之

### 國朝

張永庚字斗樞奉天人自齊河調知縣事甫下車值亢旱萬姓嗷嗷公於南園  
廟設粥廠全活甚衆捐俸金置學田修學宮邑人德之

王 表字左倉安東衛人知縣事修志彙邑中掌故賴以不泯

李廷樺字榕峯合平進士道光二十六年知縣事愛民如子利無不與邑中水災  
旱蝗身先丁杜築堤捕蝗日不暇給城東多荒田出資使民間墾具民休息民  
不忍欺有刑措風以升擢去任士民皆泣

### 補遺

項 公臨淮人唐大中間為山東濟南曹州東昌三府巡按御史食邑於縣境大

中五年葬於禹城橋北徒駭河東岸墓土陵人無知者有人掘土見墓銘石  
兩方一仰一覆載其祖其叔父銜名其姑為宣宗貴妃相傳內墓有金玉古  
物掘者恐人窺發碎其石未見石銘父老僅傳大概  
去害

明

羅公失其名萬厯初知縣事邑近大道差役繁與富者賄免貧者受害公均之富  
者服其公貧者樂其惠閭邑稱治

王重賢字子尚正德辛巳進士為濟南同知時有加賦增役之謠一邑驕然公汰  
餘銀之浮於額者蠲免絕丁邑人愛戴

任宗美曲州 恩貢任禹值旱蝗公禱於城隍廟至誠感神雨降而蝗亦死

張克寬容城舉人萬厯十一年知縣事時差役橫肆為民害公杖斃三人役皆斃

禹城縣鄉土志

七